

Kriza prouzročena covidom-19 pogađa sve, ključna je solidarnost s ugroženim kategorijama



Prvi zamjenik visokoga predstavnika i supervizor za Brčko Distrikt Michael Scanlan pohvalio je trud i zalaganje pripadnika Crvenog križa Brčko Distrikta koji neprekidno rade rame uz rame s policijom Brčko Distrikta, Inspektoratom te zdravstvenim radnicima kako bi pomogli građanima Brčkog koji su pogođeni krizom prouzročenom covidom-19. Supervizor je također istaknuo nesebičan rad brčanskih volontera, humanitarnih radnika, nevladinih organizacija te pripadnika Civilne zaštite i Gorske službe spašavanja.

Pored onih koji su angažirani u prvim redovima – medicinskih radnika, policije te predstavnika organa vlasti – tu su mnogi koji rade na dezinfekciji, logistici te dostavljanju namirnica i pomoći stanovnicima koji ne mogu izaći iz svojih domova. Svi oni zaslužuju našu zahvalnost i potporu, dodao je supervizor.

Supervizor Scanlan podvukao je da kriza prouzročena covidom-19 pogađa cijelo društvo ne praveći razliku te je zato od suštinske važnosti pokazati solidarnost s najugroženijim kategorijama stanovništva.

Supervizor poziva građane da se nastave pridržavati svih mjera i uputa nadležnih institucija za ograničavanje širenja

covida-19. Disciplinom i solidarnošću pomažemo onima koji aktivno rade na suzbijanju koronavirusa. Zajedničkim naporom, medicinska katastrofa može biti izbjegnuta, posljedice krize mogu biti ublažene te se može nastaviti raditi na ostvarenju prosperiteta u Distriktu.